

三、大廉山颂

父老说北海（七律）

马遥华

珠乡父老说孖楼※，百载前尘百载羞。
历劫多年无变化，开关十岁见新猷。
火车将达川云贵，轮船遥通亚美欧。
更喜滩涂烟波处，南珠熠熠誉全球。

※双孖楼乃解放前前英国人住宅。

三廉咏（七绝）三首

少莘

廉山①

游宦纷纷剖竹臣②，攀辕今古算谁人？
州名出此须珍重，不许名山蔽瘴尘③。

廉江④

责膺民社欲何求？耻见清江泛浊流。
民以地名殷鹤望：中原无处不廉州。

廉泉⑤

地涌甘泉府署前，丰碑八尺尚依然。
前朝已涸应称幸，免变贪泉与盗泉。

①合浦有廉山，东汉费贻作宰有廉声，去日民攀辕至此，因名之。

②宋真宗《复置廉州敕文》：“将令剖竹之臣，复效还珠之守。”

③瘴——不正之风。

④廉江即穿城而过的南流江支流，一名州江。

⑤廉泉在合浦体育场大门旁，为府衙门旧址。有碑尚存。

交通枢纽新北海（七律）

韦湘秋

北海雄跨北部湾，南珠璀璨照三山。
上天揽月舒银翼，下海淘金汛宝船※。
道载文华歌凤举，腾飞经济展鹏抟。
邮传程控大哥大，即望火龙通富源。

※汛宝船，见《邢邵并州寿碑》：“望彼岸而攸征，汛宝船而利涉。”

踏莎行·北海明珠

韦家权

北海明珠，万吨轮渡。西南夹谷通航处。内联外引起宏图，银滩闪闪游人慕。
北部狂潮，五州荡去。丝绸古道今机遇。向洋放眼更高楼，神州处处金光路。

合浦（七绝）

王亦耕

孟尝佳话越千秋，合浦珠还佳话留。
愿得贪官能敛迹，中华处处是廉州。

银滩（七律）

王亦耕

十里沙滩软，银光照眼明。
海风消暑气，巨浪簸渔舸。
朵朵花裙舞，园园彩伞擎。
心潮源水涨。拾贝惹诗情。

银滩落日（七律）一首

王英伦

落日溶金染银滩，晶莹闪烁景尤鲜。
时和世泰民同乐，沙软风清客共欢。
一抹晚霞盈海角，百寻楼宇掩林间。
游人漫步斜阳里，浪静归舟看夕烟。

海上驰舟（五排）

邓传瑶

久蓄凌波志，今扬济海帆。轻云翔玉宇，劲浪拍银滩。罟网罗鳞介，红旗卷碧澜。深情驰马达，豪气点江山。击节歌弥壮，凭舷意益酣。平台增广浩，巨栋入高寒。港口辉华彩，渔民夺富关。涸洲凝翠壁，战舰矗雄藩。引外兼联内，新姿易旧颜。群英溟北集，奋臂谱鸿篇。

游海角亭，睹东坡题匾“万里瞻天”（七绝）

刘益之

“万里瞻天”天外天，“大江东去”唱当年。
文人从政多遭厄，惟有名篇万古传。

北海银滩即兴（七绝）

刘益之

白虎滩前白浪翻，晴沙百里色斑烂。
弄潮老小饶情趣，扑向银滩未肯还。

北海银滩（七绝）二首

肖珉

万里茫茫好浴场，劈波击浪趣汪洋。
怡情最是沙眠后，伞底风来阵阵香。
水清沙软海滩滨，不浅微凉更适神。
浩浩无涯天一色，红男绿女画图新。

合浦东坡亭（七绝）

肖珉

访吊遗踪一泫然，迢迢万里念坡仙。
江天有幸留题后，人地而今四海传。

北海名花咏（七律）二首

余元钱

兰 花

不骄不谄不争春，幽谷独尊王者魂。
甘以微躯肥瘠土，愿捐群臭馥柴门。
附人萝蔓嗟难久，仰面野花悲苟存。
自喜灵根移楚畹，高标赢得古今尊。

杜 鹃

感幸东风着意栽，秣情款款浴红开。
谁云望帝春魂托？休信息妨珠泪培。
烈士丹心凝作色，英雄赤胆引为胎。
今虽未陟市花位，亦扫千年喋梦哀。

谒张世聪烈士墓（七绝）

邹贞业

大窝山下吊英雄，铁骨铮铮张世聪。
为国为民心似火，沙场驰骋气如虹。

踏莎行·北海地角港

陈漫远

纓缚鲸鮓，网罗鲨鲛，千樯眼底余晖俏。片片银帆鼓浪归，渔歌翻作丰收调。
驰骋天涯，流连地角，倾心更在斜阳岛。斜阳送罢又朝阳，征途自是终无了。

浪淘沙·忆大海渔民

陈漫远

天海碧苍苍，舰影双双。丰收网底闪银光。日暮海风掀海幕，笑满沧浪。
远念弄潮郎，善驭澜狂。欢天喜地赋归航。料得今秋重聚首，家道初康。

广西区党委六届三中会议文件读后（七律）

陈贻德

历来善政在安民，家国同须竟脱贫。
十载迟行磨利剑，一朝出鞘斩穷根。
主攻经济抓成果，惩戒腐贪狠是仁。
八桂腾飞摸脉处，江河电与路南昆。

北海颂（七绝）

陈政

十年旅梦绕银滩，喜得明珠北海还。
犹忆弄潮冲浪日，心祈口岸胜金山。✧

✧末句“金山”，即美国旧金山之别称也。

参观北海水产馆（七绝）

陈荣夏

参观展馆倍情浓，龟鳖鱼虾次第逢。
水族类繁多异态，几疑误入水晶宫。

银滩消夏（七绝）

陈荣夏

登临极目水连天，白浪滔滔涌向前。
络绎游人欣聚汇，弄潮戏水乐流连。

赴涠洲所见（七绝）

陈荣夏

乘风破浪赴涠洲，万顷清波眼底浮。
更喜平台遥在望，海中开发取原油。

登涠洲岛远眺（七绝）

陈荣夏

绿色明珠海上浮，风光旖旎数涠洲。
红霞碧海遥相映，雪浪连天气象遒。

南珠吟（七律）

陈家远

天海交辉万点星，灯红珠白浪中莹。
健儿放蚌珍山奠，淑女收玳贝岳升。
边放边歌歌政美，且收且唱唱风清。
夜光稠叠销中外，美化人家若帝庭。

白龙珍珠城（七绝）

陈家远

白龙蚌壳垒方城，无数南珠入帝庭。
美却后宫求未足，不公世道至今评。

永安大土阁（七绝）

陈家远

琼阁辉煌造物奇，神工雄构世间稀。
金龙彩凤扶摇态，无不神奇破壁飞。

西江月·信步银滩

陈家远

结侣银滩信步，酣看一代新风。潘安西子戏波中，画舫青龙斗勇。
琼阁仙山远近，渔歌鸟韵西东。云兴霞蔚映苍穹，孰不诗情浪涌。

合浦曲樟灵隐寺（七律）

陈流芳

龙盘虎踞拥神庐，名刹千秋著六湖。
岁月峥嵘经劫难，文明久远剩浮屠。
雕梁画栋堪添藻，鬼斧神工不尽书。
俗美民勤凝智巧，一方佳话付椎渔。

“蓬莱”秋宵（五律）

陈万芳

海鸥栖滴水，狂浪拍岩流①。

罗马钟鸣夜②，斜阳相对浮③。

绿洲环四野，仙岛泊渔舟。

碧海蓝天夜，游人独赏秋。

①滴水指涠洲岛的滴水洞。

②罗马指涠洲岛天主教堂的罗马钟声。

西江月·北海银滩

陈万芳

闲向银滩逐浪，步迎拂面清风。千姿百彩画楼中。怎禁诗情勃动！
昼夜游人陶醉，浪头突起银峰，抬头南望挂蟾宫。多少骚人咏诵。

西江月·千岛湖

陈万芳

峭壁悬崖千仞，常眠百尺深渊。碧波蓝水水连天，笑指稻花串串。
湖泽倒悬动物，恰如石六峰颠※。旧时鏖战转山前，眼底汪洋一片。

※灵山县六峰山，古称石六峰。

忆江南·游侨港

陈万芳

侨港好，南海靖波澜。游子几多凄怆泪，回归华夏是人间，世代笑开颜。

水调歌头·北海银滩恋歌

陈锡均

丽质竟殊众，北海著名滩。明珠隐海今现，光彩照人寰。灵秀天涯钟毓，吸引环球履履，去后梦犹牵，心目悦仙境，辐辏涌如川。

最迷恋，霞光蔚，更娇妍。琼尘玉屑，十里璀璨复斑斓。更衬楼群林带，人海花团锦簇，灯火夺星天。宇内蓬莱境，北海有名传。

游千岛湖有感（七绝）

陈宗宽

乱山丛岭出涟漪，山尖千岛绿波围。
船行岭上如天上，陵迁谷变起宏图。

银滩结友情（七绝）二首

陈娟（女）

姐妹银滩戏浪游，海风吹拂发飘柔。
抠沙捉蟹开心笑，指看渔帆说海鸥。
银滩新结友情真，闻说明朝便动身※。
相约珍珠佳节到，重来携手聚滩滨。

※：指彭义君小姐返长沙。

赞红树林有序（七古）

沈明燧

红树林，名锥果，又名红视；常生海港之湾；其生命力极强，作为重点植物保护，诗以赞之。

锥果生于红树林，又名红视颇清芬；
由于赋形奇又少，当作文物宝而珍；
红树结果名锥果，形小如锥性贱生；
贱生却赋生命力，一经落地即生根；
不管瘠土或碱土，锥果本领硬过钉；
时间不要一秒钟，便可钉入永繁荣；
以后汐潮虽肆虐，莫能动彼半毫分；
更有一桩奇妙处，能藉沙潮益自身；
每逢沙潮覆盖时，鱼虾蜉蝣附树林；
潮退未随潮水退，树身分泌液均匀；
鱼虾蜉蝣被液化，果成红视营养醇；
惟愿吾人师此树，艰巨之中，力求存。

合浦海底森林——红树林（七绝）

阿怀东

龙王御苑辟层澜，绚目珍林万树丹。
酣赏川禽戏柯叶※，缘木求鱼信不难。

※川禽：指鱼虾等水生动物。

涠洲岛（七绝）

阿怀东

岛多奇景景招财，谁使莲花海上开？
仙草误航东海觅，涠洲本是大蓬莱。

东坡井（七绝）

阿怀东

直声徒惹世憎嫌，诗帐如山罪复添。
身在人家刀俎上，犹能凿井利苍黔。

大北海（七绝）

阿怀东

实现翻番岂戏谈，高楼崛起与云参。
小康尤励鹏抟志，珠履三千赵使惭。

游白虎滩头书所见（七绝）

李联祥

白虎滩头景色幽，男男女女水中游。
碧波万顷晴偏好，无限风光一望收。

银滩即兴（七绝）

李楚金

树围翠幃衬银沙，掠岸惊涛起浪花。
绿俊红娇相映趣，海风吹醉客忘家。※

※：陪彭国富外甥游览银滩，入夜留连忘返。

游合浦还珠桥感吟（七绝）

李楚金

何以“还珠”名此桥？孟尝惠政被今朝。
纵观两岸风光好，彩蚌生辉弄海潮。

题惠爱桥（七绝）

苏执中

神工鬼斧赛瑶台，惠沐群生一栋才。
依旧西门江上见，鲁班今日又重来。

东坡亭寻芳（七绝）

苏执中

春游觅胜旧城东，万树千花相映红。
但使苏公豪气在，何愁古郡无春风！

游合浦东坡公园偶成（七绝）

苏慧远（女）

东坡园内东坡井，见井缅怀凿井人。
处士高风今何在？珠还合浦望精魂。

游银滩（七绝）二首

苏江东

银光闪闪耀蓝天，片片轻舟弄紫烟。
洁白晴沙溶夕照，游人梦里醉留连。
银滩沙美缀琼瑶，逐浪追风舞碧绡。
宛若银河飞彩锦，霓虹无数赶新潮。

合浦珍珠城记事（七绝）二首

林克武

前朝明月思残贝①，万古驮龟痛断头②。
代代帝王争采绝③，不应载誉到中州。
废址残墙认旧碑，不堪回首忆前时。
征珠何惜苍生泪，惟有清光照宠姬。

①城外遍地皆珠贝残壳。

②该处的石刻驮龟头已断。近年已寻获接回。

③指采绝珍珠。

合浦东坡亭有怀（七绝）三首

林克武

东坡亭上忆东坡，海岛归来带泪多。
万里瞻天思渺渺，故都风雨又如何？
海角天涯去路难，南来无计挽狂澜。
归途驻马廉州日，何事流连久不还？
廉州千古留诗迹，长忆东坡旧有亭。
海角天涯当日路，春风吹遍万山青。

春游千岛湖（七律）

林宝光

丛山环抱出天池，淼淼洪潮水一围。
五谷无求梅送雨，双流不竭稻盈矶。
烟浮渚岛千洲碧，日沉平湖百里绯。
喜逢三月桃花浪，无穷游兴恋斜晖。

访古廉州（七律）

林济鑫

天工巧绘古廉州，淡雅清幽第一流。
处处园林桥下水，幢幢亭榭沼中楼。
东坡遗韵心头绕，北海雄姿眼底收。
好景醉人忘返棹，何时结伴赋重游。

访合浦珍珠城遗址（七律）

岳平

岭表方城自昔传，白龙镇畔访踪源。
颜坦断瓦临沧海，弃贝遣骸吊野烟。
万斛珠玑光帝阙，千眶血泪洒螭渊。
於今养殖场新建，当是珠还合浦年。

登北海白虎头跳帆阁（七绝）

岳平

青龙白虎守长滩，百里银光入目烂。
沧海征帆千万点，弄潮儿女笑声欢。

廉州海角亭（七绝）

庞为厚

群翁访胜古廉州，绕巷穿街雅兴稠。
“万里瞻天”心可鉴，文豪宝墨耀千秋。

白虎头观海（七绝）

郑风林

相邀携手乐中游，来看潮生白虎头。
南接南溟无战火，北临北海有琼楼。
银沙平软千层雪，碧水奔腾万里油。
欣逢盛世心情爽，破浪风帆一望收。

视察合浦水库及养珠场（七绝）

周仪荣

青山绿水尽开颜，袅袅东风卷嫩寒。
喜见家乡面貌改，群歌合浦有珠还。

虞美人·北海银滩

周简

“夏威夷”在东方处，游侣纷纷至。绿男红女荡清波，短棹随波嬉戏、唱欢歌。
琼尘玉屑银光泻，奇境无伦这人间始信有蓬山，定叫游仙停辇、下尘寰。

东坡亭（七绝）

周英南

波光敛滟映嫣红，画栋飞檐掩绿丛。
竹杖芒鞋何处去？吟哦珠浦有遗踪。

惠爱桥※（七绝）

周英南

珠城风雨虐波臣，盛世能逢几度春？
巧夺天工依巧匠，新桥旧貌过西门。

※惠爱桥乃珠城名胜，横架西门江上。该桥始建于明正德年间，清宣统元年重建。一九九〇年，县政府拨款依原貌重修。

海角亭（七绝）

周英南

海角名区一古亭，宋苏汉孟两英名。
铁板难敲东去调，瞻天万里老臣情！

白龙珠珍珠城遗址（七绝）

周英南

残贝断龟遗海滩，孟尝功德重如山。
革除弊政恩波广，喜庆今朝珠又还！

十六字令·红树林咏（二首）

郑华卿

林，启迪游人意味深。潜海底，竟耐浪潮侵。
林，潮退风来发乐吟。鱼跳跃，百鸟和清音。

大士阁修复（七绝）

郑华卿

古阁巍峨古色浓，雕梁画栋仗精工。
千年古迹今长在，原貌岿然气象隆。

重游海角亭、东坡亭（七律）

张振铎

汉孟宋苏德业隆，珠涯海角溯游踪。
轩亭石上留遗墨，笠履像前仰逝翁。
合浦珠还歌盛世，瞻天万里见孤忠。
沧桑古构今仍在，黉宫桃李万株红。

合浦海角亭苏轼题“万里瞻天”（七律）

秦似

万里瞻天天外天，身流海角海涯边。
苏门学士虽全谪，宋室江山尚足怜。
纵有文章华国日，已伤道路失魂年。
留题枉用离骚意，毕竟先生非屈原。

夏夜游北海银滩即兴（七绝）

梁士奇

游迹满滩月似弓，阁楼沙岸映霓虹。
银波浮涌星瞳闪，涤荡尘怀少女风（※）。

※：即微风也。

重宿渔家（七绝）

梁士奇

久违烟波今又回，画楼巨岸向洋开。
木棚陋巷知何处？夜听潮声似响雷。

春游海滩公园（七古）

梁德邻

海滩公园别有天，北海风光景物妍。
远望汹涛千帆过，近观钓鱼一线牵。
野芳似锦幽香发，绿草如茵春满园。
漫步饱览心欢畅，丽华楼阁展眼前。
旅游胜地比仙境，老有余晖乐晚年。

浪淘沙·赞北海银滩

黄素芬（女）

大浪辗琼糜，千里凝脂。东方号比夏威夷，碧海浮游消百虑，梦绕神驰。
绿瓦映晨曦，亭阁参差。如花彩伞艳滩墀，开放胸怀迎远客，慰我相思。

北海银滩（七律）

黄福祺

瑰丽长滩处处诗，东方亦有“夏威夷”。
银沙十里珠铺屑，画阁千姿玉为支。
矿藏富饶随意采，海天辽阔令神驰。
外引内联纾筹策，经济腾飞伫可期。

学习江泽民在中纪委二次全会上讲话感赋（七绝）

黄福祺

英明决策警神州，惩腐须先天下忧。
吏治澄清邦本固，万民仰颂月当头。

银滩秋色（五绝）

黄家裕

南国银滩俏，秋风别岛洋。

清波帆影耸，沙白戏鸳鸯。

江泽民在中纪委二次全会上关于反腐败斗争讲话读后感（七律）二首

黄家蕃

《通鉴》殚劳司马心，古今兴替理相寻。

水因滞蓄孳虫腐，枢为开关免蠹侵。

但愿朝堂无伴食①，定教暗室有辞金②。

孟尝先洒高台泪，未枉雍门一鼓琴③，

治乱数从何处求？宜求“公仆”政躬修。

民堪定鼎堪移鼎，水可行舟可覆舟。

惟有临朝俱铁面④，自应参政尽鱼头⑤。

隔江休唱《后庭》曲，商女蛾眉也解愁⑥。

①当官不办事，只陪客吃饭，谓之“伴食宰相”（《唐书》）。

②东汉杨震做官不受贿，“暮夜辞金”。

③孟尝君治薛有绩而骄。琴师雍门子周奏琴提示亡国之痛，使他感泣。

④宋赵忬任御史，刚正不阿，谓之“铁面”。

⑤宋鲁宗道任参政，不畏权贵，号“鱼头参政”。

⑥个体户女老板也为腐败后果担心。

盛筵谣（五古）

黄家蕃

宴会风气盛，酒家接待频，借名办公事，假座款上宾。今朝厂大庆；明日某生辰。或为谈业务；或为迎港绅。参观须接待；视察要洗尘。叨陪人簇簇，附臭蚁纷纷。精选飞潜品；环罗海陆珍。暑寒调冷热；时令杂素荤。北南殊风味；粤

蜀适甘辛。象齿筋脍贵，水晶盞酿陈。郇厨输香味，何饌失慳贫。口福沾开放，朵颐及戚亲，尿遗酒精气，血凝胆固醇。岂知一席费，月养四家人。公款销无限，私囊不破文，那管财源绌，所忧赤字新！华东报大水，待赈有饥民。

濶洲吊明中军祝国泰、百户孔榕①（七律）

黄家蕃

成祖开边志未酬，分茅无柱限华陬。

龙门警报鲸鲵渡，鷁伍化为猿鹤俦。

此日无人知烈士，当年有庙祀濶洲②。

登临多少悲欢意，海国干城瓮铁牢。

①万历年间濶洲中军祝国泰，百户孔榕率水师抗击交寇入侵龙门，俱殉难。

②朝旨在濶洲建祠祀祝、孔，遗址无考。

游北海银滩（七绝）二首

彭义君（女）

久慕银滩来北海，银滩为我洗征尘。

殷勤最是渔村女，珠练摧销笑问频。

浴罢梳妆出海滩，观光览胜笑开颜。

绿榕树下摊棚里，买得珍珠彩贝还。

暮山溪·北海银滩

雷鹤怡（女）

凝眸望远，海阔连天处。骇浪拥潮高曾湮淘、英雄无数。人生短暂，能有几回拼。海啸语，论今古，多少兴衰事？

银滩平软，细磧盈盈溯，好借一帆风催船棹，乘潮远去。劈波斩浪，纵几度浮沉，大无畏，立涛头，手把红旗举。

由防城经钦州，夕至北海（七律）

黎光明

一上龙岗窥北海，横穿百越看南天。
欣闻合浦还珠后，回想钦州起义前。
堂上刘冯存浩气，道旁翁仲尚轩然。
夜寒领导争相问，惜老心情火样燃。

“官倒”倒（七律）

戴启予

又是官兮又是商，陶朱当日不思量。
贸然一泛簪缨绝，纵费千金子命偿。
买卖何妨翻覆手，钱权勾结势利场。
横眉冷对千夫指，打破通身没肺肝。